

Izveštaj o raspodjeli provedenoj u 2023.godini

1. Raspodjela za periode 2018-2019 i 2020-2022

Prema Pravilniku o raspodjeli i Godišnjem planu raspodjele za periode 2018-2019 i 2020-2022, treća raspodjela Udruženja Original je izvršena u 2023.godini. Ukupni iznos za raspodjelu bio je 80.000,00 KM, usvojen od strane Upravnog odbora i Skupštine.

Obračun naknade je vršen u skladu sa:

- ❖ Zakonom o kolektivnom ostvarivanju autorskog i srodnih prava, čl. 22.st.2.
- ❖ Pravilnikom o raspodjeli Udruženja Original
- ❖ Godišnjim planom raspodjele za periode 2018-2019 i 2020-2022, Odlukom o korekciji Godišnjeg plana raspodjele za periode 2018-2019 i 2020-2022

Udruženje Original prikuplja i isplaćuje naknadu nosiocima prava iz dvije kategorije: autori (i nasljednici) pisanih djela u štampanom obliku, te izdavači pisanih djela u štampanom obliku. S obzirom da se pravo na naknadu od privatne i druge vlastite upotrebe ostvaruje kroz obavezno kolektivno ostvarivanje, Udruženje Original zastupa i isplaćuje sve autore i izdavače, neovisno da li su članovi Udruženja ili ne.

Raspodjela je završena u decembru 2023.godine kada je počela isplata. Isplata je, zbog nedostatka podataka o nosiocima prava, trajala do kraja februara 2024.godine kada Udruženje više nije imalo podatke o nosiocima prava koji su ostvarili pravo na isplatu (minimalni iznos za isplatu). Sav novac od raspodjele se nalazi na podkontu računa Udruženja Original.

2. Obračun naknade

Distribucija pokriva sve izvore prihoda koji prikuplja Udruženje (koji se akumuliraju u jednu masu), a koji uključuju sredstva prikupljena od reprodukcije autorskih djela za privatnu i drugu vlastitu upotrebu:

- naknada koju plaćaju fizička i pravna lica koja pružaju usluge fotokopiranja uz naknadu;
- naknada koju plaćaju uvoznici uređaja za fotokopiranje.

Naknade iz obje sekcije se distribuiraju zajedno.

Prije obračuna pojedinačnih naknada, iz distribucione mase se oduzimaju sredstva za fond za naknadne uplate nepoznatim nosiocima prava formiranim u tekućoj poslovnoj godini (rezervisana sredstva), sredstva za isplate stranim društvima, te sredstava za kulturne i socijalne namjene ako su planirana. U 2023.godini nisu planirana sredstva za kulturne i socijalne namjene.

Naknada ostvarena na temelju prava na naknadu za privatnu i drugu vlastitu upotrebu, koja se prema zakonu, kojim se uređuje autorsko pravo i srodna prava plaća od prve prodaje ili uvoza novih uređaja za fotokopiranje i od izrađenih fotokopija namijenjenih za prodaju, dijeli se između autora i izdavača u omjeru 50:50.

U skladu sa članom 22. stav 2. Zakona o kolektivnom ostvarivanju autorskog i srodnih prava te odredbama Pravilnika o raspodjeli, distribuciona masa je iznosila kako slijedi:

Ukupni iznos za raspodjelu	80.000,00 KM	100%
<i>Iznos za rezervacije</i>	4.000,00 KM	5% ukupnog
<i>Iznos za strana društva</i>	4.000,00 KM	5% ukupnog
<i>Iznos za autore ukupno</i>	36.000,00 KM	50% ukupnog
<i>Iznos za autore – period 2018-2019</i>	12.375,00 KM	
<i>Iznos za autore – period 2020-2022</i>	23.625,00 KM	
<i>Iznos za izdavače ukupno</i>	36.000,00 KM	50% ukupnog
<i>Iznos za izdavače – period 2018-2019</i>	12.375,00 KM	
<i>Iznos za izdavače – period 2020-2022</i>	23.625,00 KM	

Iznosi za rezervacije i strana društva se koriste za neprepoznata djela, eventualne korekcije i obaveze prema stranim društvima. Ova sredstva ostaju na računu 3 godine, i ukoliko se ne iskoriste vraćaju se u distribucionu masu i raspoređuju nosiocima prava prema pravilima raspodjele važećim za ovaj period.

Po okončanju sudskog spora sa uvoznikom naplaćena je naknada za period 2018-2021. Dio naknade koji se odnosi na 2018. i 2019. godinu je raspoređen prema principima koji su vrijedili u raspodjeli 2018-2019 (princip proporcionalne raspodjele i princip objektivne dostupnosti djela) na djela koja su ranije prijavljena za taj period.

Preostali iznos je raspoređen prema Pravilniku o raspodjeli donesenom 24.12.2021. uz primjenu principa objektivne dostupnosti.

Autorski honorari se formiraju na osnovu obračuna ili alokacije nakon statističke procjene objektivne dostupnosti svakog zaštićenog djela za reprodukciju, dok se kriterijum i način podjele određuju odvojeno za autore i izdavače. Osnovni kriterij za djelo koje se smatra podobnim za raspodjelu je *ISBN broj* (International Standard Book Number - međunarodni standardni knjižni broj je jedinstveni identifikator knjiga i drugih omeđenih publikacija), odnosno *ISSN broj* (International Standard Serial Number - međunarodni standardni broj serijske publikacije kojim se ona identificira), izdati u BiH. Podaci za raspodjelu su prikupljeni iz dostavljenih prijava, iz zvaničnih baza Nacionalne i univerzitetske biblioteke BiH i Nacionalne univerzitetske biblioteke RS, uneseni u bazu podataka Udruženja Original te je u skladu sa Pravilnikom o raspodjeli izvršena raspodjela.

U nastavku je pregled obračuna za isplatu po kategorijama nosilaca prava (autori i izdavači).

AUTORI

Donja granica za isplatu: 30,00 KM bruto u raspodjeli

Ukupno kvalifikovanih autora za isplatu: 421

Ukupno autora koji su dobili bilo koji iznos u raspodjeli: 5.558

Najviši bruto iznos honorara: 606,09 KM

Najniži bruto iznos honorara: 30,45 KM

IZDAVAČI

Donja granica za isplatu: 50,00 KM u raspodjeli

Ukupno kvalifikovanih izdavača za isplatu: 27

Ukupno izdavača koji su dobili bilo koji iznos u raspodjeli: 855

Najviši bruto iznos honorara: 6.430,40 KM

Najniži bruto iznos honorara: 52,60 KM

3. Isplata

U decembru 2023.godine je počela isplata nosiocima prava koji ispunjavaju uslove minimalnih naknada za isplatu i trajala je sve do kraja februara.

U 2023.godini 1 izdavač i 1 autor su se odrekli naknade. Izdavač koji se odrekao naknade: Matica Hrvatska, Čitluk. Autor koji se odrekao naknade: Zoran Kurtović. Odricanja su dostavljena u pisanom obliku.

❖ Autori

Isplate autorima čije podatke Udruženje posjeduje su vršene direktno na račune autora, uz obračun pripadajućih poreza i doprinosa. Za autore čije podatke za isplatu Udruženje ne posjeduje, upućivani su lični pozivi, prikupljani kontakti putem izdavača i udruženja autora. Kod autora čiji podaci su se prilikom pokušaja isplate pokazali netačni (broj računa ili JMBG) te kod kojih je došlo do određenih statusnih promijena (smrt, nasljeđivanje), upućivani su lični pozivi za korekciju podataka. Jedan dio novca predviđenog za autore stoga još uvijek nije isplaćen, jer podaci za isplatu nisu dostavljeni. Ovi iznosi se neće poništavati već će biti isplaćeni po prijemu potrebnih podataka. Ukupni iznos isplaćen autorima zaključno sa 28.02.2024.godine je: fizička lica-autori, neto 5.906,61 KM, bruto 8.008,83 KM. Zbir iznosa koji su ispod minimuma za isplatu: 12.410,37 KM. Ukupni raspoređeni ali neisplaćeni iznos nakon raspodjele je 15.580,79 KM, a ukupni iznos rezervacije za žalbe je 4.000,00 KM. To čini ukupni iznos neisplaćenog novca za raspodjelu za periode 2018-2019 i 2020-2022 od 19.580,79 KM u kategoriji autora.

❖ Izdavači

Isplate izdavačima su podrazumijevale ispostavljanje fakture od strane izdavača (pravna lica) uz iskazivanje PDV-a za one koji su PDV obveznici. Izdavači su kontaktirani direktno (mail i pošta) uz dostavljanje informacije o pripadajućim iznosima naknade i uputa za ispostavljanje fakture. Jednako kao i za autore, neki od izdavača se nisu javili, bez obzira na obavještenje. Ukupni iznos isplaćen izdavačima zaključno sa 28.02.2024.godine: 29.978,20 KM. Svi iznosi koji su ispod utvrđenog minimalnog iznosa za raspodjelu ostaju vezani za ime nosioca prava i biće pridruženi iznosima koji u narednim raspodjelama pripadnu tom nosiocu prava. Zbir iznosa koji su ispod minimuma za isplatu: 4.630,28 KM. Ukupni raspoređeni ali neisplaćeni iznos nakon raspodjele je 5.088,29 KM, a ukupni iznos rezervacije za žalbe je 4.000,00 KM. To čini ukupni iznos neisplaćenog novca za raspodjelu za periode 2018-2019 i 2020-2022 od 9.088,29 KM u kategoriji izdavača.

4. Rezervacije i neisplaćeni iznosi

Ukupni rezervisani iznos po osnovu prigovora nosilaca prava, u skladu sa Pravilnikom o raspodjeli i Godišnjim planom raspodjele je 4.000,00 KM. Ukupno rezervisani iznos za strana društva je 4.000,00 KM. Ukupno raspoređeni, a neisplaćeni iznos je 20.669,08 KM od čega je:

Nosioci prava	Neisplaćeni (raspoređeni) iznos
Autori	15.580,79 KM
Izdavači	5.088,29 KM

5. Izvještaji

Za svaki isplaćeni iznos, nosiocima prava je dostavljen izvještaj o obračunu po tačno navedenoj naknadi za svako djelo, primjenom pravila iz Pravilnika o raspodjeli. Tako se vide iznosi za koautorska i koizdavačka djela (50% od ukupno pripadajućeg iznosa za određeno djelo, osim ako drugačije nije određeno), puno autorstvo/izdavaštvo, te obračun naknade prema pojedinom principu raspodjele uz primjenu kriterija tiraža za izdavače te koeficijenata za period 2020-2022. Izvještaji su sastavni dio baze podataka i softvera za raspodjelu te se ispisuju direktno iz ove aplikacije a prema urađenoj raspodjeli.